

感謝信

致 香港保護兒童會 維景灣幼兒學校(嬰兒部)

譚校長、梁主任、各位老師、各位家長你地好！我係嬰兒部既思穎媽媽，好多謝學校今日比左一個機會我係畢業禮上同大家分享一下感受。

我屋企有兩個小朋友，家姐剛剛 7 歲，妹妹 2 歲，因為我同先生都係要返工，所以平時主要都係由婆婆照顧。我真係好感恩思穎由上年 6 月開始可以入讀到維景灣保護兒童會既育嬰園，當時因為疫情重係好嚴峻，撞正姐姐又要返菲律賓，新姐姐又因為酒店機票黎唔到，婆婆日日一打二都真係攞唔掂！當時其實都好徬徨，當我收到電話話收我小朋友個刻真係好開心同好感恩！

我諗在座既家長可能都會同我一樣，一方面收到電話好開心，另一方面又會 1516 有啲擔心，又會唔忍心甘細就比佢返全日。我小朋友返左一年，我都好後悔，後悔點解大囡個時我唔識早 D 報！


呢一年我見証住我既小朋友每日既改變，無論係自理能力，學習方面，大小肌肉訓練，語言發展，都有好明顯既進步。其實我真無諗過嬰兒部既課程可以咁全面，照顧到唔同小朋友既成長需要。

另外，亦好欣賞學校既透明度好高，定期會有評估同學習相片分享比家長，係疫情下仍然盡力安排觀課活動或表演，令到小朋友返學好開心家長亦好放心。

我相信在座每一位家長都好似我甘，好想同甘多位嬰兒部既老師及所有教職員講一聲「多謝」同「辛苦晒」，真心我未遇過甘有愛既老師。佢地知我係 working mum 朝早比較忙，佢地係會用自己放工私人既時間打俾我 update 小朋友既學習情況，有你地悉心既照顧，我先可以安心甘返工，真係好多謝你地。每日送返學，第一個一定係見到梁主任係門口迎接小朋友，無論係主任定其他老師佢地都會叫到晒所有小朋友既名，由此可見佢地係幾甘重視每一個學生！

最後，我想特別多謝譚校長及梁主任，因為你地比機會我地甘多位小朋友係一個充滿愛既學校成長！多謝各位！

嬰兒部學生 吳思穎家長



二零二二年九月六日